

(પદ્મરી છંદ)

જય જિન ઘાતે ઘાતિયા ચાર,
 કુનિ કિય અઘાતિયનકો પ્રહાર;
 જય ચિદાનંદમય હૈ સુછન્દ,
 જગજીવનકો આનંદકંદ.

અષ્ટોત્તર શત લક્ષણ સુઅંગ,
 જિનપતિ લખિ લાજત અનંગ;
 યે કોટિ સૂર્ય ઘુતિ ધરન ધીર,
 યુત પ્રાતિહાર્ય વસુ ગુણ ગંભીર.

સુર નર ધરણીધર પૂજ્ય પાય,
 ગણધર મુનિવર જિન નમત ધાય;
 સુર મોક્ષાદિક પદ દાન દક્ષ,
 શુદ્ધ ધ્યાન લીન શોભે અલક્ષ.

દરશન અનંત કુનિ જ્ઞાનવંત,
 મહા સર્મ વીર્ય જિનકો ન અંત;
 યે અનંત ચતુષ્ટય કરિ સંયુક્ત,
 મહાધીરય ધર વસુ કર્મ મુક્ત.

વસુ ગુણ કરિ મંડિત શોભમાન,
 જયવંત વર્તો જગ પ્રધાન;
 જય ત્રિશલાનંદન જિનેન્દ્રવીર,
 આનંદકરણ ભવહરણ પીર.

જય વીર જિનેશ્વર ગુણ ગંભીર,
 કલ્પદ્રુમ સમ દાતા સુધીર;
 જય મહાવીર વર સિદ્ધિદાય,
 તુમ ચરણનમેં બલિ બલિ સુજાય.

(ગીતા છંદ)

યે સર્વ અતિશય યુક્ત પરમ આહ્લાદ કર પૂરન ખરે,
 યે ત્રિજગતાપતિ પાદ પૂજિત, શિવમહલ મગ પગ ધરે.
 યે દ્રવ્ય ગુણ નય અર્થ દેસક, સુભગ શિવ ત્રિય કંત તે,
 જય જય પ્રતાપ સુ વીર જિનવર, હોહુ જગ જયવંત વે.



શ્રી વર્હમાન-નિર્વાણપૂજા

(દોહા)

પ્રથમ ચરમ જિન ચરન જુગ, નાથવંશ વર પાય,
 સિદ્ધારથ ત્રિશલા તનુજ, હમ પર હોહુ સહાય. ૧
 ઠું શ્રી શ્રીજિનપ્રતિમાએ પરિપુષ્પાંજલિં ક્ષિપેત્ ।

(અરિલ છંદ)

પુષ્પોત્તર તજ ધવલ, છટ જુ અષાઠ કી,
 ઉતરા ફાગુન માહિ, બસે ઉર માય કી.
 અવધિ અમરપતિ જાન, રતન બરસાઈયૌ,
 કુન્દનપુર હરિ આય, સુમંગલ ગાઈયૌ. ૨

ૐ શ્રી આષાઠશુકલષષ્ઠીદિને ગર્ભમંગલમંડિતાય શ્રીમહાવીરજિનેન્દ્રાય અર્ધં

(દોહા)

દિવસ પંચ દસ માસ વસુ, બરસ પચત્તર સાર,
 રહે ચતુર્થમ કાલ કે, વીર લયો અવતાર. ૩

(સુંદરી છંદ)

શુકલ ચૈત્ર ચતુર્દશિ કે દિના, નક્ષત્ર ઉતરા ફાગુન સુરગના,
 સજિ ગજેન્દ્ર ગિરેન્દ્ર નહવાઈયૌ, લખિ જિનેન્દ્ર સુમંગલ ગાઈયૌ. ૪

(દોહા)

પંચાનન^૧ પગ ચિહ્ન તસુ, તન ઉતંગ કર સાત,
વરન હેમ^૨ જિન બિમ્બ નિત, પૂજહુ ભવ્ય પ્રભાત. ૫

ૐ હ્રીં ચૈત્રશુકલત્રયોદશીદિને જન્મમંગલપ્રાપ્તાય શ્રીમહાવીરજિનેન્દ્રાય અર્ધ૦

(અડિલ છંદ)

આયુ બહત્તર બરસ, કુંવરપદ તીસ જૂ,
સો લખિ અથિર, ઉદાસ ભએ જગદીસ જૂ.
તબ લૌકાન્તિક દેવ, સુ થિરકર થલ ગયે,
રચિ સુર તુરત નવીન, પ્રભુ શિવિકા^૩ લયે. ૬

પુરતેં નિકટ ન દૂર, મનોહર વન ગયે,
ચંદ્રકાન્તિ મણિમઈ, શિલા લખિ સુર ઠયે.
શિવિકાતેં પધરાય, તહાં સુરગન ખડે,
દુવિધિ પરિગ્રહ ત્યાગ, પ્રભુ સમરસ બડે. ૭

(સુન્દરી છંદ)

પ્રાચીં દિશિ સન્મુખ, પચાસન માંડિકેં,
નમઃ સિદ્ધ કહિ, પંચમુષ્ટિ કચ^૪ કાઢિકેં.

નિજ આતમ સમ દેવ, સિવર્ગ^૫ સબ સાખ દે,
ત્રોદશ વિધિ ચારિત્ર, ઠરચૌ અભિલાખ દે. ૮

માગસિર માસ દસેં સુદિ, જનમ નખત પરૌ,
તા દિન પરમ દિગંબર પદ પ્રભુજૂ ધરૌ.
સાલ વિટપ તર બૈઠિ, બેર અપરાહિની,
દીક્ષા સખી મિલાય વધૂ શિવદાયની. ૯

૧ સિંહ, ૨ સોના, ૩ પાલકી, ૪ પૂર્વ દિશા,

૫ બાલ, ૬ સિદ્ધોકી.

(દોહા)

જિન શિર કેશ પવિત્ર અતિ, રતન પિટારે ધાર,
ક્ષીરોદધિ પધરાય હીર^૧, નિજથલ ગએ નૃતકાર. ૧૦

ૐ હ્રીં માર્ગશીર્ષકૃષ્ણદશમ્યાં તપોમંગલમંડિતાય શ્રીમહાવીરજિનેન્દ્રાય અર્ધ૦

(દોહા)

તન મમત્વ તજિ વિશ્વપતિ, શિલાપટ્ટ વર પાય,
આરૂઢે તપ ધરત હી, ચૌથો જ્ઞાન ઉપાય. ૧૧
અજર અમર અવ્યક્ત જો, અજપા તાકો ધ્યાય,
ધ્યાન સિદ્ધિ કે અર્થ પ્રભુ, અચલ મેરુ સમ થાય. ૧૨

(અડિલ)

ગુપ્તિ તીન ગઢ^૨ તુલ્ય ભયે તિનકે મહા,
સંજમ બખ્તર તુલ્ય ભએ કહિના કહા.

કર્મ-શત્રુ જીતન કી રચિ લાગી તબે,
ગુન અનેક સેના ભટ હોત ભએ તબે. ૧૩

અનશનાદિ તપ ધારિ દ્વાદશ માહિ જી,
ધ્યાન વિષે સુવિશેષ શુદ્ધતા પાય જી.

અષ્ટાવીસ મૂલગુન અગ્રેસુર કહે,
કર્મ પ્રબલ અરિ તિનહિ જીતને પ્રભુ ચહે. ૧૪

(ગીતિકા છંદ)

ચઢે શુકલ ગજેન્દ્ર લેશ્યા, ભૂપ અનુપ્રેક્ષા હુકે,
ધાય ધર્મ-કૃપાન^૩ ગહિ, અરિ મોહસેના પર ઝુકે.
ઉત્કૃષ્ટ નિજ પરિનામ કટકતની સુરક્ષા કારને,
વર જ્ઞાનરૂપ પ્રધાન અગ્રેસુર કિયો જગતારને. ૧૫

૧ ઈન્દ્ર,

૨ કિલા,

૩ તલવાર.

(અરિલ્લ)

અતિ વિશુદ્ધ પરિણામ સેનપતિ છાઈયૌ,
રાગાદિક અરિ પ્રબલ હનન ઉદ્ધમ ક્રિયૌ.
ધ્યાન જતન કર મૂલ પ્રગટ કર તંત્ર કે,
કરે ચલાચલ વીર જિનેશ્વર સત્ર કે. ૧૬

અધઃકરનકે ભાવ જો પ્રથમહિં ભાયકેં,
હોં પરનામ ન અન્ય ક્ષપક દિશ જાયકેં.
સુકલ ધ્યાન અસ પ્રથમ ધ્યાય તા કરમ લૈ,
મોહ પ્રબલ કરિ ઘાત જાય બારમ^૧ થલૈ. ૧૭

(ગીતિકા છન્દ)

તા થલૈ દૂજે સુકલ બલ ત્રય^૨ ઘાતિયા હનિ જય લયૌ,
ચઢિ તેરમેં ગુણસ્થાન શ્રીજિન સમોસરન વિભો ઠયૌ.
રચિ કોટ વેદી ભુમિપર મધ યંભ તપાદિક (?) જહીં,
જોજન પ્રમાન જુ સોભગી નિરવાન પદ પૂજત તહીં. ૧૮

ૐ હ્રીં વૈશાખશુકલદશમ્યાં જ્ઞાનકલ્યાણપ્રાપ્તાય શ્રીમહાવીરજિનેન્દ્રાય અર્ધ૦

(ઢાર મંગલકી)

કરત વિહાર જિનેશ ભવિક ઉપદેશતે,
સકલ સંઘ કર જુક્ત ચર્મ તીર્થેશતે.
નાના વિધિ અતિશય કર જુક્ત પ્રભૂ તહાં,
આનિ વિરાજે વિપુલાચલ પર્વત જહાં. ૧૯

જહં દિવ્યધુનિ પ્રતિ શબ્દ જય જય સભામંડપ ભવન મેં,
ધર્મોપદેશ સો આઈયો તિન નિકટ નિર્વાનક સમૈ.
તવ સુર અસુર નર ઈન્દ્ર કરિ અર્ચિત સિવગ વર જાનકેં,
પાવાપુરી ઉદ્યાન સાર તહાં પધારે આનકેં. ૨૦

ૐ હ્રીં કાર્તિકકૃષ્ણામાવસ્થાયાં મોક્ષમંગલમંડિતાય શ્રીમહાવીરજિનેન્દ્રાય અર્ધ૦

(ઈત્યુચ્યાર્ય કણ્ઠિકાયાં પરિપુષ્પાંજલિં ક્ષિપેત્.)

૧ બારહવા ક્ષીણમોહ ગુણસ્થાન, ૨ જ્ઞાનાવરણી, દર્શનાવરણીય, અંતરાય.

પીઠકાદિ પૂજા

(દોહા)

મહાવીર ને જા સમૈ, ગમન ક્રિયો શિવખેત,
સોઈ સમય વિચારિકેં, પૂજોં સુધી સ્વહેત.

ૐ હ્રીં મહાવીર અતિવીર સન્મતિ વર્હમાનાદિકાનેકનામ-
સંયુક્તભગવજિજનેન્દ્ર અત્ર અવતર અવતર સંવૌષટ્, આહવાનનં, તિષ્ઠ તિષ્ઠ
ઠઃ ઠઃ સ્થાપનં. અત્ર મમ સન્નિહિતો ભવ ભવ વષટ્ સન્નિવિકરણં.

અષ્ટક

(ચૌપાઈ)

મંગલ નિર્વાનક મહાવીર, પ્રાત સમૈ પૂજો ભવિ ધીર,
દસ અતિશય જનમત જિન પાય, કેવલગ્યાનમાંહિં દસ ગાય.
તિનિ જિનવર પ્રતિ ચરનન ઓર, દે જલધાર જુગલ કર જોર,
મંગલ નિર્વાનક મહાવીર, પ્રાત સમૈ પૂજો ભવિ ધીર.

ૐ હ્રીં નિર્વાણકલ્યાણકપ્રાપ્ત શ્રીમહાવીરજિનેન્દ્રાય જન્મજરામૃત્યુ-
વિનાશનાય જલં નિ૦

જિન કે સુરકૃત ચૌદહ સાર, યે અતિસૈ ચૌતીસ ચિતાર,
તિન જિનવરપ્રતિ પૂજનધારિ, ભમર લુબ્ધ વર ચંદન ગારિ. મંગલ૦

ૐ હ્રીં નિર્વાણકલ્યાણકપ્રાપ્ત શ્રીમહાવીરજિનેન્દ્રાય ભવતાપવિનાશનાય
ચન્દનં નિ૦

અષ્ટ પ્રાતિહારજ જુત દેવ, જિનકી ઈન્દ્ર કરેં સત સેવ,
તિન જિનવરપ્રતિ કો અવલોક, લે વર શાલિ^૧ અખંડિત પોખ. મંગલ૦

૧ ચાવલ